

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za boračka pitanja, Vlada Zeničko-dobojskog kantona, na 98. sjednici, održanoj 12.06.2017. godine, d o n o s i

ZAKLJUČAK

I.

Prihvata se Informacija o stambenom zbrinjavanju branilaca i članova njihovih porodica u 2016. godini, Ministarstva za boračka pitanja kao obrađivača.

II.

Informacija o stambenom zbrinjavanju branilaca i članova njihovih porodica u 2016. godini nalazi se u prilogu i čini sastavni dio ovog zaključka.

III.

Zaključak stupa na snagu danom donošenja.

Broj: 02-_____/17.

Datum, 12.06.2017. godine

Zenica

PREMIJER

Miralem Galijašević

DOSTAVLJENO:

1x Ministarstvo za boračka pitanja,

1x a/a.

**BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
MINISTARSTVO ZA BORAČKA PITANJA**

I N F O R M A C I J A
o stambenom zbrinjavanju branilaca i članova njihovih porodica
u 2016.godini

Zenica, juni 2017.godine

I. Uvod

Rješavanje stambenog pitanja u segmentu zadovoljavanja potreba stanovništva, pored rješavanja ostalih egzistencijalnih pitanja spada među prioritete.

Populacija, koja je još uvijek ostala većim dijelom nezbrinuta i koja u tom smislu svakako zaslužuje da bude i ostane u fokusu brige društvene zajednice su branioци i članovi njihovih porodica, kao najugroženiji dio populacije, kako na području FBiH, tako i na području Zeničko-dobojskog kantona (u daljem tekstu: Kanton).

Uzroke takvog stanja, ne treba posebno obrazlagati, imajući u vidu generalno tešku ekonomsku situaciju u Državi, Kantonu, a što se direktno odražava i na socijalno-ekonomski status branilaca i članova njihovih porodica.

Neovisno o kategoriji, stepenu oštećenja organizma, te radno-pravnom i socijalnom statusu ove populacije-dobitnici ratnih priznanja ili odlikovanja, ratni vojni invalidi, demobilizirani branioци, članovi porodice šehida, poginulih, umrlih, nestalih branilaca i umrlih ratnih vojnih invalida, članovi uže porodice poginulih, umrlih/nestalih dobitnika ratnih priznanja/odlikovanja, kao i posebni korisnici, koje tretiraju važeći propisi, činjenica je da je riječ o socijalno ranjivoj kategoriji, narušenog zdravlja sa umanjenom radnom sposobnošću, bez stalnog zaposlenja ili sa privremenim/povremenim radnim angažovanjem, radom na crno, koji kao hranioци porodica nisu u mogućnosti na adekvatan način obezbijediti minimum egzistencije sebi i porodici.

Iz tih razloga, rješavanje stambenog pitanja jedan je od prioriteta u radu Ministarstva, te je kao dopunsko pravo (pored ostalih prava) utvrđeno Zakonom o dopunskim pravima branilaca i članova njihovih porodica („Sl. novine Zeničko-dobojskog kantona“, broj: 1/14).

II. Normativno regulisanje

„Prioritetno pravo na rješavanje stambenog pitanja pod jednakim uvjetima“ branilaca i članova njihovih porodica utvrđeno je i članom 7. Zakona o pravima branilaca i članova njihovih porodica ("Službene novine FBiH" broj 33/04, 56/05, 70/07 i 9/10), (u daljem tekstu: Federalni zakon) a u skladu sa federalnim i kantonalnim propisima. Članom 29. stav (1) Federalnog zakona propisano je: "Kantoni svojim propisima osiguravaju prioritetno rješavanje stambenih pitanja pripadnika branilačke populacije u skladu sa važećim propisima", a stavom (2) istog člana Federalnog zakona da se „stambeno zbrinjavanje i pomoć u stambenom zbrinjavanju branilačke populacije vrši po pravu prvenstva“, koji su slijedom i navedeni i koji su kao takvi uvršteni i u propise iz oblasti branilačko-invalidske zaštite na području Kantona.

U cilju osiguranja realizacije naprijed navedenih odredbi Federalnog zakona za realizaciju prava na rješavanje stambenog pitanja na nivou Kantona oblast stambenog zbrinjavanja branilaca i članova njihovih porodica uređena je:

Kao dopunsko pravo članom 5. tačka g), te Poglavljem VII. Rješavanje stambenog pitanja, od člana 24. - 27. Zakona o dopunskim pravima branilaca i članova njihovih porodica (Službene novine ZDK br: 1/14) (u daljem tekstu: Zakon) regulisano je pravo na rješavanje stambenog pitanja koje ostvaruju branioци i članovi njihovih porodica na području Zeničko-dobojskog kantona (u daljem tekstu: Kanton).

Uredbom o pomoći u rješavanju stambenog pitanja branilaca i članova njihovih porodica (Sl. novine ZDK br: 4/14) Vlada Kantona (u daljem tekstu: Uredba), utvrđeni su uvjeti, način i postupak ostvarivanja prava na pomoć u rješavanju stambenog pitanja branilaca i članova njihovih porodica koji imaju prebivalište na području Kantona, kao i povratnika u RS koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Za svaku, kao i proteklu budžetsku 2016. godinu Ministarstvo je u skladu sa članom 26. Uredbe, donijelo Instrukciju o primjeni Uredbe broj: 13/03-23-3877/16 od 21.03.2016. godine, kojom su date upute i pojašnjenja za pravilnu primjenu odredbi, a u cilju jednoobraznog i efikasnog

provođenja postupka za ostvarivanje prava na pomoć u rješavanju stambenog pitanja branilaca i članova njihovih porodica, odnosno primjenu odredaba Uredbe, a u skladu sa osiguranim sredstvima u Budžetu Kantona i dinamikom priliva sredstava, te praćenja okvirne raspodjele sredstava prema općinama/Gradu Kantona. Primarni kriterij okvirne raspodjele i utroška sredstava (uz ostale parametre) podrazumijeva procentualno učešće pripadnika branilačke populacije u odnosu na ukupan broj pripadnika branilačke populacije na teritoriji Kantona.

U pojedinim, specifičnim slučajevima, kada se podnosilac zahtjeva (ili član porodice podnosioca zahtjeva) pojavljuje i kao korisnik prava iz oblasti socijalne zaštite ostvarena je i saradnja sa drugim nadležnim organima općine/Grada, te Ministarstvom za rad, socijalnu politiku i izbjeglice Kantona a u cilju zajedničkog učešća u obezbjeđenja bespovratnih novčanih sredstava i trajnog rješavanja stambenog pitanja podnosilaca zahtjeva.

Budžetom Zeničko-dobojskog kantona („Sl. novine ZDK broj: 2/16 od 26.02.2016.) u razdjelu 24, budžetska organizacija 01, potrošačka jedinica 0001 - Ministarstva za boračka pitanja, na poziciji 614200 - "Grantovi pojedincima", subanalitici OAD 208 - „Pomoć u rješavanju stambenog pitanja“ planirana su sredstava u iznosu od 2.000.000,00 KM.

Realizacija utroška sredstava utvrđena je Programom utroška sredstava Budžeta Zeničko-dobojskog kantona za 2016. godinu planiranih na razdjelu Ministarstva za boračka pitanja, usvojenog Zaključkom Vlade ZDK broj: 02-14-5421/16 od 04.03.2016.godine (u daljem tekstu: Program utroška). Raspoloživa sredstva umanjena su Odlukom o prestrukturiranju II Ministarstva finansija ZDK broj: 07/03-01/14-15004-2/16 od 22.07.2016.godine za 300.000,00 KM, te Odlukom o prestrukturiranju III broj: 07-03-01/14-15004-3-1/16 od 29.08.2016.godine na konačan iznos raspoloživih sredstava za budžetsku 2016. godinu u iznosu od 1.650.000,00KM.

III. Aktivnosti na rješavanju stambenog pitanja branilaca i članova njihovih porodica sa strukturom (tabelarnim pregledima) podnesenih, odobrenih/odbijenih zahtjeva i utrošenih sredstava u 2016. godini

Uredbom, kao podzakonskim aktom, uređena su i ostala pitanja od značaja za ostvarivanje ovog vida dopunskog prava-Član 2. Uredbe- korisnici prava: dobitnici ratnih priznanja ili odlikovanja; ratni vojni invalidi; demobilizirani branioci koji su u periodu od 06.04.1992. do 23.12.1995. godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu; članovi porodice šehida, poginulih, umrlih i nestalih branilaca i umrlih ratnih vojnih invalida; članovi uže porodice poginulih, umrlih ili nestalih dobitnika ratnog priznanja ili odlikovanja. Član 3. Uredbe-posebni korisnici: udovica umrlog demobiliziranog branioca koji je u redovima OS proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu; roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti. Kao načini rješavanja stambenog pitanja Uredbom je utvrđeno da se pomoć vrši putem: prijenosa prava vlasništva na stanovima dodijeljenim na korištenje od strane Vlade Kantona; odobravanjem sredstava općinama u svrhu kupovine i izgradnje stambenih jedinica, te dodjelom jednokratnih bespovratnih novčanih sredstava u svrhu: izgradnje stambenog objekta s ciljem trajnog stambenog rješavanja; kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini; prilagođavanju stambenog objekta posebnim potrebama ratnih vojnih invalida; te sufinansiranja izdavanja dozvole za gradnju i sufinansiranja legalizacije stambenog objekta.

Članom 8. Uredbe utvrđeni su prioriteti u stambenom zbrinjavanju, a po pravu prvenstva, kako slijedi:

- a) dobitnici ratnih priznanja ili odlikovanja iz člana 5. stav 3. Federalnog zakona;
- b) djeca šehida, poginulih, umrlih, nestalih branioca bez oba roditelja i RVI sa oštećenjem organizma od 100% I grupe;
- c) porodice sa dva i više šehida, poginulih, umrlih, nestalih branilaca i RVI 100% II grupe;

- d) članovi uže porodice poginulih, umrlih, nestalih dobitnika ratnih priznanja ili odlikovanja iz člana 5. stav 3. Federalnog zakona;
- e) porodice šehida, poginulih, umrlih, nestalih branilaca i ratni vojni invalidi sa oštećenjem organizma 90%, 80% i 70%;
- f) članovi uže porodice poginulih, umrlih, nestalih dobitnika ratnih priznanja ili odlikovanja iz člana 5. stav 4. i 5. Federalnog zakona i umrlih ratnih vojnih invalida;
- g) ostali dobitnici ratnih priznanja ili odlikovanja;
- h) ratni vojni invalidi sa oštećenjem organizma od 20% do 60%;
- i) demobilizirani branioci;
- j) udovica umrlog demobiliziranog branioca iz člana 3. tačka a) Uredbe;
- k) roditelji umrlog ratnog vojnog invalida ili demobiliziranog branioca iz člana 3. tačka b) Uredbe.

Programom utroška utvrđena je okvirna raspodjela sredstava prema općinama/Gradu Kantona, a kako je naprijed navedeno u skladu sa procentualnim učešćem pripadnika branilačke populacije na teritoriji općine/Grada u odnosu na ukupan broj pripadnika branilačke populacije na teritoriji Kantona. Raspodjela sredstava određena je i brojem zahtjeva pripadnika branilačke populacije određene općine, ekonomskom razvijenosti, te ostalim društveno-socijalnim elementima.

Treba istaći da je u 2016. godini okončana procedura i po preostalom dijelu podnesenih zahtjeva iz 2015. godine, a odnose se na dio predmeta koji nisu realizovani zbog nedostatka sredstava, kao i predmete u postupku žalbe i eventualno tužbe, koji su okončani donošenjem pravosnažnih rješenja, a u skladu sa članom 19. Uredbe, te predmete proslijeđene po posebnim zahtjevima od općinskih službi, koji nisu definirani Uredbom, a specifični su i zahtijevaju hitno rješavanje kako je utvrđeno članom 20. Uredbe. Naime, članom 19. Uredbe definisano je da će svi nerealizovani podneseni zahtjevi koji ispunjavaju uvjete iz Uredbe za dodjelu sredstava biti prioritetno rješavani u narednoj budžetskoj godini. Po tom osnovu, kao prioriteti u 2016. godini, okončani su postupci po podnesenim zahtjevima za 57 (pedesetsedam) pripadnika branilačke populacije sa utroškom sredstava u ukupnom iznosu od 468.438,98 KM. U nastavku iznosimo tabelarni pregled broja i strukture korisnika sa iznosom utrošenih sredstava po općinama/Gradu Kantona, a po obrađenim zahtjevima iz 2015. godine tabela broj: 1.

Tabela broj: 1.-Pregled broja riješenih predmeta iz 2015. godine sa iznosom utrošenih sredstava po općinama/Gradu Kantona

Općina/ grad	Broj riješenih predmeta	Struktura korisnika			Utrošena sredstva u KM
		PPB	RVI	DB	
Breza	4	2	1	1	26.998,00
Doboj Jug	1	0	1	0	10.000,00
Kakanj	1	0	0	1	8.000,00
Maglaj	3	1	1	1	13.000,00
Olovo	3	0	1	2	18.000,00
Tešanj	11	2	4	5	74.000,00
Usora	0	0	0	0	0,00
Vareš	1	0	0	1	3.000,00
Visoko	2	2	0	0	24.000,00
Zavidovići	6	1	2	3	38.580,00
Zenica	19	3	5	11	235.980,98
Žepče	6	1	0	5	16.880,00
Ukupno	57	12	15	30	468.438,98

Za realizaciju procedure iz nadležnosti Ministarstva rješenjem ministra Ministarstva broj:13/03-01-34-255-2/16 od 20.01.2016.godine imenovana je Komisija za odobravanje sredstava za pomoć u rješavanju stambenog pitanja branilaca i članova njihovih porodica (u daljem tekstu: Komisija Ministarstva). Pored ostalog, zadatak Komisije je da razmotri dostavljene prijedloge općinskih Službi, izvrši uvid u priloženu dokumentaciju, konstatuje ispravnost postupka po dostavljenom prijedlogu općine/Grada, a u posebnim slučajevima izlaskom na teren utvrdi činjenično stanje na terenu, te po potrebi zahtijeva pribavljanje i dostavljanje na uvid i druge dokumentacije za koju ocijeni da je od značaja za donošenje odluke o odobravanju sredstava.

U skladu sa članom 10. stav (2) Uredbe Ministarstvo je u sredstvima informisanja i na oglasnim pločama općina/Grada objavilo javni oglas za dodjelu novčane pomoći braniocima i članovima njihovih porodica u svrhu rješavanja stambenog pitanja sa otvorenom mogućnošću podnošenja zahtjeva u trajanju od 30 dana, tj. od 28.03. do 27.04.2016. godine, kada je bio i posljednji dan za prijavu. Naime, općinske/gradska Služba objavljivanjem oglasa po Instrukciji Ministarstva na oglasnim pločama općina/Grada, oglasnim pločama lokalnih branilačkih udruženja, kao i lokalnim sredstvima informisanja bile su u obavezi pozvati i upoznati sve zainteresovane kandidate o mogućnostima podnošenja zahtjeva, te uvjetima i načinu ostvarivanja predmetnog prava. Pored toga, Oglas za 2016. godinu objavljen je i u Dnevnom listu „Avaz“. Prevashodni cilj je transparentnost i upoznavanja širokog kruga branilačke populacije o mogućnosti podnošenja zahtjeva, kojima je ovaj vid pomoći neophodan.

Naime, oglas za dodjelu novčane pomoći nije bio raspisivan u 2012., 2013. i 2014. godini, tako da se praznina u tom dijelu nadomjestila raspisivanjem oglasa u 2015. godini, kojim se nastojalo pomoći u propuštenom u dijelu rješavanja stambenog pitanja kupovinom individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini (obuhvaćeni svi podnosioci sa potpisanim ugovorima o kupovini u periodu 2012., 2013, 2014, te 2015.god.), te korisnicima koji su gradili stambene jedinice u perioda 2013, 2014. godina, kada nije bilo javnog oglasa. Većim dijelom to je uspješno i okončano kako u 2015., tako i dijelom u 2016. godini, kako je prikazano u naprijed prezentiranoj tabeli broj: 1. Uz propisanu obavezu objavljivanja oglasa, broj podnesenih zahtjeva i u 2016.godini pokazatelj je aktuelnosti potrebe u rješavanju stambenog pitanja branilaca i članova njihovih porodica.

U strukturi podnesenih zahtjeva prisutno je povećanje broja odbijenih zahtjeva, koji su od strane prvostepenih organa odbijani dijelom i iz formalno-pravnih razloga, te nekompletne dokumentacije. Iako, shodno Uredbi postoji mogućnost dopune dokumentacije i otklanjanja uočenih nedostataka u postupku prigovora, to je djelomično ili nikako otklanjano. U tom dijelu bilo bi pozitivno da se uključe lokalna branilačka udruženja, te prilikom podnošenja zahtjeva pomognu braniocima i članovima njihovih porodica u kompletiranju i objedinjavanju dokumentacije u skladu sa Uredbom, kako bi se broj odbijenih zahtjeva sveo na razumnu mjeru, odnosno pomoglo neukim braniocima, da dokumentacija priložena uz zahtjev bude kompletirana, jer samo kao takva može biti predmet daljeg razmatranja od strane Ministarstva.

Uredbom, kao podzakonskim aktom utvrđen je postupak ostvarivanja prava i isti se od momenta raspisivanja Oglasa, zbog važnosti koordiniranog rada između Ministarstva i općinskih/Gradske službe određuje hodogramom aktivnosti u provođenju procedure dodjele novčanih sredstava (koji je sastavni dio Instrukcije) sa utvrđenim rokovima za izvršenje: apliciranje/podnošenje zahtjeva općinskoj/Gradskoj službi nadležnoj za poslove branilačko-invalidske zaštite, kao prvostepenom organu na posebnom obrazcu propisanom od strane ministra Ministarstva, koje razmatra petočlana komisija općine/Grada; obilazak prijavljenih kandidata; isticanje Liste prvenstva za odobravanje sredstava na oglasnim pločama, a u skladu sa prioritetima u stambenom zbrinjavanju iz člana 8. Uredbe; podnošenje prigovora za preispitivanje Liste prvenstva sa rokom za rješavanje po predmetnim prigovorima u roku od 8 dana; izrada i sačinjavanje Konačne liste prvenstva na propisanom obrazcu i prijedlozima za dodjelu sredstava, koju je prvostepeni organ u obavezi sačiniti u skladu sa planom dodjele sredstava po općinama/Grad Kantona, te Programom utroška sredstava Budžeta Kantona sa transfera Ministarstva za navedenu namjenu-samo tako kompletirana Konačna lista sa spisima predmeta dostavlja se na dalje rješavanje Ministarstvu;

Spise predmeta prema konačnim listama (po pravu prvenstva naprijed navedenom) razmatra Komisija Ministarstva u skladu sa članom 15. Uredbe, kao drugostepeni organ, te obrazloženi stav o odbijanju ili opravdanosti zahtjeva sa prijedlog o dodjeli novčane pomoći usklađen sa Programom utroška dostavlja ministru Ministarstva u formi obavijesti o odbijanju zahtjeva, odnosno prijedloga zaključka o odobravanju novčanih sredstava, koji se sa detaljnim obrazloženjem upućuje Vladi Kantona, ukoliko je predloženo odobravanje novčanih sredstava u iznosu većem od 1.000,00 KM, kako je utvrđeno članom 16. stav (2) Uredbe. Naime, članom 16. stav (1) Uredbe definisano je da na osnovu prijedloga Komisije Ministarstva o dodjeli sredstava po Konačnoj listi i podnesenim zahtjevima u pojedinačnim iznosima, koji ne prelaze iznos od 1.000,00 KM odlučuje ministar Ministarstva.

Po Oglasu za dodjelu pomoći braniocima i članovima njihovih porodica u svrhu rješavanja stambenog pitanja u 2016. godini Komisija Ministarstva ukupno je zaprimila i obradila 939 predmeta iz 12 općina /Grad Kantona, a dio ostali, odnosi se na predmeta prosljeđene po članu 20. Uredbe od općinskih/Gradske službe, koji nisu definirani Uredbom a zahtijevaju hitno rješavanje i posebno obrazloženje(sa pojašnjenjem primjene tačka 9. Instrukcije), te predmete po žalbi u ponovljenom postupku razmatrane od strane Komisije Ministarstva što čini ukupan broj razmatranih predmeta **1.186**. U nastavku iznosimo tabelarni pregled ukupan broj podnesenih zahtjeva, odbijenih/odobrenih pomoći po Konačnoj listi, te ostalih po obrađenim zahtjevima iz 2016.godine po općinama/Grad Kantona-Tabela broj: 2.

Tabela broj 2.- Pregled podnesenih zahtjeva, odbijenih/odobrenih pomoći po Konačnoj listi, te ostalih po obrađenim zahtjevima iz 2016.godine po općinama/Grad Kantona

Općina/ grad (1)	Ukupan broj podnesenih zahtjeva po Oglasu u 2016.g. (2)	Ostali podnesci- po žalbi(pon. post.,odbijeni uvažene žalbe) i čl.20.Uredba (3)	Broj odbijenih zahtjeva po Konačnoj listi (4)	Broj odobrenih zahtjeva po Konačnoj listi (5)	Broj odobrenih ostali i čl. 20.Uredba u 2016.g. (6)	Preostali zahtjevi u postupku (7)
Breza	14	0	5	9	0	0
Doboj Jug	31	5	25	6	0	0
Kakanj	47	8	38	9	1	0
Maglaj	56	21	41	11	1	0
Olovo	77	37	56	17	2	2
Tešanj	153	34	128	25	0	0
Usora	17	0	8	9	0	0
Vareš	11	0	3	6	0	2
Visoko	161	24	100	24	0	37
Zavidovići	174	41	151	22	1	0
Zenica	139	63	107	22	8	4
Žepče	59	14	41	17	0	1
I-Ukupno	939	247	703	177	13	46
II-Ukupno (2+3)	1.186					
III-Ukupno (4+5+6+7)	939		703	190		46

Napomena: Pod II-Ukupno (2+3) prikazani su podaci: broj podnesenih zahtjeva po Oglasu sa ostalim-zahtjevima u ponovljenom postupku i prosljeđenim po članu 20. Uredbe; pod III-Ukupno (4+5+6+7) ukupan broj podnesenih zahtjeva po Oglasu sa pregledom odobrenih/odbijenih po Konačnoj listi, te odobrenih po drugim osnovama utvrđenim Uredbom; u koloni (7) su brojčani pokazatelji-preostali zahtjevi u postupku obrade, koji nisu riješeni u 2016. godini iz razloga utroška sredstava ili su postupci u toku, isti su rješavani u 2017.godini i teretiće Budžet Kantona za 2017.godinu shodno Programu utroška sredstava sa transfera Ministarstva za 2017. godinu, a u ovisnosti da li ispunjavaju uvjete iz člana 4. Uredbe;


U nastavku iznosimo tabelarni pregled odobrenih zahtjeva po Konačnoj listi po načinu rješavanja stambenog pitanja, kako je utvrđeno članom 7. tačka c) podtačka 1), 2), 3) i 4) Uredbe-dodjelom jednokratnih bespovratnih novčanih sredstava u svrhu - izgradnje stambenog objekta s ciljem trajnog stambenog rješavanja; kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini; prilagođavanja stambenog objekta posebnim potrebama ratnih vojnih invalida; te sufinansiranja izdavanja dozvole za gradnju i sufinansiranja legalizacije stambenog objekta.

Tabela broj 3.- Pregled odobrenih zahtjeva po Konačnoj listi po načinu rješavanja stambenog pitanja

Općina /grad	Izgradnja	Kupovina	Prilagođavanje	Sufinansiranje izdavanja dozvole za gradnju/ legalizacije	Ukupno:
Breza	6	0	0	3	9
Doboj Jug	4	2	0	0	6
Kakanj	3	6	0	0	9
Maglaj	10	5	0	0	15
Olovo	16	1	2	0	19
Tešanj	21	2	0	2	25
Usora	3	0	0	6	9
Vareš	3	2	0	1	6
Visoko	24	0	0	0	24
Zavidovići	14	9	0	0	23
Zenica	6	20	0	2	28
Žepče	12	1	0	4	17
Ukupno:	122	48	2	18	190

Procentualni pregled raspodjele sredstava po načinu rješavanja u nastavku dijagram broj:1.

Dijagram broj 1.- Raspodjela sredstava po načinu rješavanja stambenog pitanja




U nastavku iznosimo detaljan prikaz broja korisnika po kategorijama u 2016. godini sa iznosom odobrenih sredstava po općinama /grad Kantona po Oglasu-Tabela broj: 4., te zbirni pregled broja korisnika sredstava iz Budžeta Kantona za 2016. godinu planiranih na razdjelu Ministarstva OAD 208-Pomoć u rješavanju stambenog pitanja po općinama/Grad sa finansijskim pokazateljima u 2016. godini-Tabela broj: 5.

Tabela broj: 4. – Pregled broja korisnika po kategorijama u 2016.godini sa iznosom odobrenih sredstava po općinama /Grad Kantona po Oglasu

Općina	PPB	RVI	DRPO	DB	PURVI	PUDB	Ukupno korisnika	Odobreno u KM
Breza	0	0	0	9	0	0	9	40.174,08
Doboj Jug	0	0	0	6	0	0	6	33.528,61
Kakanj	3	0	0	6	0	0	9	68.000,00
Maglaj	0	4	0	11	0	0	15	92.500,00
Olovo	0	5	0	14	0	0	19	86.281,50
Tešanj	4	2	0	17	0	2	25	132.504,61
Usora	0	0	0	9	0	0	9	28.838,98
Vareš	1	1	0	4	0	0	6	49.510,50
Visoko	1	4	0	18	0	1	24	105.500,00
Zavidovići	3	4	0	16	0	0	23	140.261,30
Zenica	2	11	0	14	0	1	28	287.566,21
Žepče	1	4	0	12	0	0	17	98.115,00
Ukupno:	15	35	0	136	0	4	190	1.162.780,79

Dijagram broj 3.- Dodjeljena sredstava po kategoriji branilačke populacije



PPB – porodica poginulog branioca
RVI – ratni vojni invalid
PURVI – porodica umrlog RVI

DRPO – dobitnik ratnog priznanja / odličja
DB – demobilizirani branioac
PUDB - porodica umrlog DB

Tabela broj: 5. – Zbirni pregled broja korisnika sredstava po općinama/Grad sa finansijskim pokazateljima u 2016. godini

Općina	Ukupno korisnika	Odobreno u KM
Breza	13	67.172,08
Doboj Jug	7	43.528,61
Kakanj	11	76.000,00
Maglaj	15	105.500,00
Olovo	22	104.281,50
Tešanj	36	206.504,61
Usora	9	28.838,98
Vareš	7	52.510,50
Visoko	26	129.500,00
Zavidovići	29	178.841,30
Zenica	49	523.547,19
Žepče	23	114.995,00
Ukupno:	247	1.631.219,77

Shodno Odluci o prestrukturiranju od 29.08.2016.godine (naprijed navedenoj), odnosno konačan iznos raspoloživih sredstava za rješavanje stambenog pitanja branilaca i članova njihovih porodica sa područja Kantona za budžetsku 2016. godinu u iznosu od **1.650.000,00KM** izvršenje je u **procentu 98,86 %**, odnosno preostala razlika sredstava u odnosu na raspoloživa nije bila dovoljna za dalje postupanje, odnosno upućivanje kao prijedloga za odobravanje sredstava Vladi Kantona, te su isti ostavljeni za realizaciju u budžetskoj 2017. godini.

Komisija Ministarstva je razmatrala svaki prijedlog pojedinačno, na način (naprijed naveden): uvidom u priloženu dokumentaciju i po potrebi provjerom iste, konstatovanjem ispravnosti postupka, a u pojedinačnim slučajevima utvrđivanje činjeničnog stanja vršeno je i na licu mjesta-na terenu ili je zahtijevano i dostavljanje na uvid i druge dokumentacije za koju ocijeni da je od značaja za donošenje odluke o odobravanju sredstava. Hodogramom aktivnosti rad Komisije po predmetnim zahtjevima otpočeo je u drugoj polovini 8 mjeseca. Aktivnosti na realizaciji odobravanja sredstava, odnosno izrada prijedloga zaključaka za odobravanje sredstava za svakog korisnika pojedinačno okončane su u 12. mjesecu 2016.godine, te je bilo potrebne uložiti dodatne napore kako od strane Komisije Ministarstva, tako i Stručne službe Vlade u pripremi proslijeđenih prijedloga zaključaka, a kako bi se postigao naprijed navedeni nivo izvršenja.

Treba istaći, da je ovo Ministarstvo, kao legitimni organ zastupanja interesa i realizacije prava branilaca i članova njihovih porodica uz iskazani značajan angažman i Vlade Kantona uspjelo osigurati realizaciju dugovanja za rješavanje stambenog pitanja branilaca i članova njihovih porodica iz 2012., 2013., 2014., te 2015. godine. Izrada naloga i sva plaćanja po tom osnovu okončana su i realizovana u cjelokupnom iznosu do polovine 2016. godine, čime je vraćeno poljuljano povjerenje branilačke populacije u rad Ministarstva i Vlade Kantona.

Članom 18. stav (2) Uredbe, kao podzakonskog akta, te odredbama Zakona o upravnom postupku ("Sl. novine FBiH" broj: 2/98 i 48/99) utvrđena je pravo žalbe, odnosno da svi nezadovoljni podnosioci imaju pravo ulaganja iste Ministarstvu, u roku od 8 dana, od dana prijema rješenja, a što je propisano i članom 48. (Rješavanje o pravima u drugostepenom postupku) Zakona o dopunskim pravima branilaca i članova njihovih porodica („Sl. novine ZE-DO kantona“, broj:1/14).

U skladu sa članom 22. (Ugovor) Uredbe sa svim kandidatima kojima je odobrena novčana pomoć po raspisanom Oglasu u 2016. godini ministar Ministarstva je dana 22.12.2016. godine zaključio ugovore o dodjeli i implementaciji sredstava za trajno stambeno zbrinjavanje i isplati istih, kojim su konkretno regulisana prava i obaveze ugovornih strana po ovom pitanju.

Članom 26. stav (2) Uredbe utvrđeno je da nadzor nad provođenjem Uredbe vrši Ministarstvo.

VII. Zaključna razmatranja

Rješavanje stambenog pitanja, kao dopunsko pravo branilaca i članova njihovih porodica u nadležnosti je Kantona, koji su svojim propisom obavezni osigurati prioritetno rješavanje po pravu prvenstva, što je i utvrđeno Uredbom, kao podzakonskim aktom.

Kao jedno od reformskim opredjeljenja Vlade Kantona u oblasti socijalne politike i zaštite pripadnika branilačke populacije cilj je poboljšanja socio-ekonomskog statusa, odnosno poboljšanja uslova i kvaliteta života, kao i stambenih uslova ove kategorije stanovništva, imajući u vidu moralni dug Države prema istim. Iz tih razloga, to ostaje trajan zadatak i obaveza, te je u narednom periodu neophodno:

- Unaprijediti i poboljšati saradnju i koordinacije između Ministarstva i općina/Grada, kao lokalnih zajednica i organa nadležnih za rješavanje u prvostepenom postupku, a s ciljem osiguranja pomoći neukim korisnicima prilikom kompletiranja potrebne dokumentacije, te prepoznavanja i ukazivanja na posebne, specifične slučajeve kojima je ovaj vid pomoći nužan, a iziskuju hitno i prioritetno rješavanje, te su predmet i medijskih natpisa;

- U tom dijelu posebno je značajno i aktivnije uključivanje i branilačkih udruženja, a posebno lokalnih, kako bi se broj odbijenih zahtjeva sveo na razumnu mjeru, odnosno pomoglo neukim braniocima, da dokumentacija priložena uz zahtjev bude kompletirana, jer samo kao takva može biti predmet daljeg razmatranja od strane Ministarstva;

- I dalje insistirati na blagovremenoj i kontinuiranoj isplati odobrenih sredstava, obzirom da su u pitanja odobrena sredstava čija je implementacija vezana rokovima-ugovori o kupovini sa rokovima za isplatu, odobrena sredstava za izgradnju vezana rokovima sezone izvođenja građevinskih i ostalih radova, kao i rokovima nabavke građevinskog materijala;

- U 2017. godini osigurati i omogućiti blagovremeno objavljivanje javnog oglasa po Instrukciji Ministarstva s mogućnošću podnošenja zahtjeva od najmanje 30 dana, te insistirati putem lokalnih branilačkih udruženja da se svim zainteresovanim braniocima i članovima njihovih porodica pomogne i omogući blagovremeno podnošenje zahtjeva;

- Treba istaći da je tokom trajanja procedure na realizaciji planiranih aktivnosti po Oglasu za 2016. godinu u postupku ostvarivanja prava na ovaj vid pomoći Ministarstvo blagovremeno informisalo Vladu Kantona, kao i javnost putem Press službe, što će biti praksa i ubuduće;

- Uredbom je kao način rješavanja stambenog pitanja otvorena i mogućnost odobravanja sredstava korisnicima, a putem službi nadležnih za poslove branilačko-invalidske zaštite općina/Grada u svrhu kupovine i izgradnje stambenih jedinica za posebno slučajeve, a usljed vanrednih i drugih specifičnih situacija, koje ugrožavaju život porodice. Prijedloge u tom smislu potrebno je potkrijepiti odgovarajućim dokazima/nalazima nadležnih organa, uz prilaganje dokaza o učešću u sufinansiranju općine /Grada, drugih nivoa vlasti, kao i donatora, a što kao incijativa za realizaciju pojedinačnih zahtjeva, kao i projekata, ovisno od nivoa potrebnih ulaganja može biti predmet razmatranja od strane Ministarstva;

- Mišljenja smo da sa dosadašnjom praksom treba nastaviti, uz uspostavljanje većeg stepena koordinacije između Ministarstva i općina/grad (kao što je naprijed istaknuto), kako bi se obezbijedilo načelo pravednosti, transparentnosti, te pomoć dobili oni kojima je ista neophodna i koji nažalost još uvijek nemaju ni minimalne uvjete stanovanja, a svi pojedinci koji nastoje prikriti

ili dati netačne podatke budu blagovremeno otkriveni i sankcionisani; u tom dijelu, kao i do sada uposlenici Ministarstva otvoreni su i spremni za saradnju;

Imajući u vidu izneseno-branioci i članovi njihovih porodica i rješavanje njihovih statusnih prava, ostaju trajna obaveza i prioritet društvene zajednice, obzirom na doprinos i zasluge u odbrani Države. Obezbjedenjem sredstava za rješavanje stambenog pitanja, odnosno krova nad glavom na ovaj način osiguran je život dostojan čovjeka, te smatramo da je ovaj vid pomoći opravdao svoju svrhu.

MINISTAR
Fahrudin Čolaković

Broj: 13/03-2-2-23- 3877/16
Zenica, 01.06.2017. godine